



Broj. 01-01-0577/20
Sarajevo, 12. 03. 2020. g.

Na osnovu člana 27. Zakona o ustanovama Zakona o ustanovama („Službeni list R BiH“, br. 6/92, 8/93 i 13/94) i člana 27. Statuta Javne ustanove „Služba za zapošljavanje Kantona Sarajevo“ Sarajevo (broj: 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/16 od 27.06.2016. godine), a imajući u vidu situaciju izazvanu novim Corona virusom (COVID-19), direktor Javne ustanove „Služba za zapošljavanje Kantona Sarajevo“ Sarajevo donosi

UPUTSTVO

o postupanju

Javne ustanove „Služba za zapošljavanje Kantona Sarajevo“ Sarajevo u cilju poduzimanja mjera zaštite radnika i sprečavanja bolesti izazvane Corona virusom (COVID – 19)

I

Ovim Uputstvom definisane su mjere i radnje Javne ustanove „Služba za zapošljavanje Kantona Sarajevo“ Sarajevo (u daljem tekstu: Služba) u cilju poduzimanja mjera zaštite radnika i sprečavanja bolesti izazvane Corona virusom (COVID – 19).

II

U toku trajanja aktuelne epidemiološke situacije u Kantonu Sarajevo, rad sa strankama u sjedištu Službe i općinskim biroima počev od 16.03.2020. godine, treba se organizovati u periodu od 9,00 do 12,00 sati.

III

Sva redovna javljanja u mjesecu donošenja ovog Uputstva pomjeraju se za naredni mjesec, sa uputom da nezaposlene osobe ne smiju biti brisane sa evidencije nezaposlenih osoba, bez obzira na obavezu javljanja koju su imali u periodu od 16.03. – 31.03.2020. godine.

IV

Proces posredovanja u zapošljavanju nezaposlenih osoba kao i savjetodavni dio rada sa nezaposlenim osobama obavljat će Savjetodavci putem telefona i e-maila.

V

Termini koji su zakazani za prve prijave neće se pomjerati niti odgađati i isti ostaju u planiranim i dogovorenim terminima.

VI

U što većoj mogućoj mjeri ograničiti ulazak u poslovne prostorije Službe kako onih u sjedištu, tako i u prostorije općinskih biroa, odnosno da se ulazak i izlazak iz istih organizuje na način da stranke ulaze naizmjenično jedna po jedna bez dužeg zadržavanja.

VII

Ukoliko je strankama potrebna informacija o svim pitanjima koje se tiču njihovih prava i obaveza, a odnose se na domen rada Službe, pružanje takvih usluga vršit će se ISKLJUČIVO putem telefona ili e maila, o čemu se treba voditi evidencija.

VIII

U narednom periodu, a u cilju poduzimanja mjera zaštite radnika i sprečavanje bolesti izazvane Corona virusom (COVID-19) izvršit će se dodatna dezinfekcija svih prostorija sjedišta Službe i općinskih biroa.

IX

Svi radnici dužni su da redovno dezinfikuju svoj radni prostor i sredstva rada.

X

U narednom periodu svim radnicima Službe će biti distribuirana dodatna sredstva za dezinfekciju, zaštitne maske za gripu i prehladu, kao i rukavice.

XI

Svi radnici koji rade sa strankama OBAVEZNI su upotrebljavati zaštitne maske i rukavice kako bi se spriječio bilo koji vid bolesti izazvan ovim virusom.

XII

Zabranjuje se bilo koji vid okupljanja i zadržavanja u radnim prostorijama mimo svog radnog mjesta, odnosno isto se ima svesti na minimum, isključivo i radi obavljanja poslovnih zadataka.

XIII

Ovo Uputstvo može se promijeniti u skladu sa epidemiološkom situacijom, preporukama Kriznog štaba Ministarstva zdravstva Kantona Sarajevo.

XIV

U slučaju bilo kakvih nedoumica, nejasnoća po pitanju primjene ovog Uputstva sva dalja korespondencija vršit će se isključivo putem neposrednog rukovodioca.

XV

U slučaju sumnje na zarazu virosom iz tačke I ovog Uputstva (bliski kontakt sa oboljelim, putovanje zajedno sa oboljelim, dijeljene istog kućanstva sa oboljelim, povratak radnika iz zemalja zahvaćenih područja sa uspostavljenom ili lokalnom transmisijom novog virusa kao što su: Kina, Južna Koreja, pokrajine Italije: Lombardija, Veneto, Pijemont, Iran, Hong Kong, Japan, Singapur, Njemačka, Španija kao i druge zemlje molimo da se pridržavate uputa Kriznog štaba Ministarstva zdravstva Kantona Sarajevo.

XVI

Uputstvo stupa na snagu danom donošenja.


DIREKTOR

Nermin Pečanac, dipl. pravnik

Sarajevo, Đoke Mazalića 3,
web-stranica: www.szks.ba; e-mail adresa: info@szks.ba
Tel/;++387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun

